



# Շուշանիկ Կուրդիսյան

## Ծախվածք

Նա շատ շահել էր, աչագեղ, քնքուշ,  
Մանկական ժպիտ կար անբիծ դեմքին.  
Միշտ մորն էր օգնում և ձայնով անուշ  
Անվիշտ երգում էր— կայտառ էր հոգին:

Մի օր ծախեցին նրան լավ գնով՝  
Հարուստ աղայի կին պիտի դառնար.  
Եվ կոպիտ հայրը տուն եկավ գինով,  
Վրդովեց կույսի քունն ու դադար:

Երկու շաբթ ոսկի, մատանի, մանյակ,  
Եվ մարգարտից շքեղ փիրուշան  
Հագցրին նրան. դարձավ հրեշտակ,  
Մի քնքուշ կոկոն, նորածիլ շուշան:

Եվ իր փեսայի հսկա ձեռքն առած  
Անձայն, անշշուկ հետևեց նրան,  
Չքնաղ այն դեմքին գունաթափ, շմամ,  
Սարսափ տարածվեց, երբ տեսավ սեղան:

Արբաժ քահանան քծնվող ժպտով.  
— Կամքո՞վն է եկել,— կույսին հարցրեց,  
Եվ պատասխանը իբր լսելով,

Աղայի նվեր ֆարաշան հիշեց . . .

Անցան տարիներ . . . մի օր ես նրան  
Տեսա այլակերպ, հիվանդ, նիհարած . . .  
Նա ուխտ էր եկել հինավուրց մատրան՝  
Խնկով ու մոռով, ծոմ ու պաս պահած:

Նա ինձ հետ այնպես կարոտով խոսում՝  
Վախկոտ հայացքը շուրջը ձգելով.  
Եվ սրտաճմլիկ լալիս ավստսում  
Քաշած օրերը անկեղծ սոսկումով . . .

Նա շատ էր ծնում . . . և ուխտ էր եկել  
Չորավոր սրբի<ն> անձին մնալու.  
Եվ պաղ քարերը այնպես գրկել՝  
Կասես զգում էր, որ չէ ծնելու . . .

Մայիսի 21, 1907 թ .